


宜春縣志

250.89
38
26



宜春縣志卷五

武備志

天生五材民並用之武備之設聖人所不得已也宜邑附郭協營駐焉晉宋以來草竊間作頃辱寇鴟張軍興旁午民益騷然矣今雖差幸安堵然兵額之添裁兵事之始末以及措餉練團皆關成敗臚而陳之敢告來者

兵制

袁境竟江以西接湖湘瀏陽上高諸境盜出沒時告警明初歐黃內附師從雲集又招降山寨諸人置袁衛以隸之袁衛非守衛兵也後承平日久設民兵若干為守禦

武備 兵制

宜春縣志

卷五

廩食有常額平時除閱操登城外無所事事一遇有警調遣不能用命崇正丁丑臨藍寇變猶用民兵守城解圍後創設守備一員挑選民兵及招募壯勇共八百名駐札東關教場南邊大街之右癸未寇亂益熾甲申始添設恭將都司二員駐札北關

國初袁州協鎮設副將一員都司二員守備二員千總四員把總八員轄戰守馬步兵一千六百名歲糜俸餉銀三萬二千八百兩有奇順治十三年巡按江西御史管重光據分守湖西道田厥茂議疏請裁將領以省糜費以裨實用其畧曰設兵原以固圉設將原以練兵兵不



知簡將不習兵是以兵與敵也袁協鎮兵一千六百名今奉調閩楚併缺額共六百九十餘名實在兵丁止九百餘名而猶設兩都司兩守備四千總八把總不幾十羊九牧乎兵欲足額非招募不可而招募實難別營之逃卒既無籍可稽土著之懦夫雖有稽無用計莫若擇土著之精強者招補足一千之數仍以副將彈壓而止以一都司一守備二千總四把總分理之相地置兵因兵設將則兵將適得其平矣疏奏

詔可之於是始議留都司一員守備一員千總二員把總四員兵制漸定始無糜餉之患載府志

宜春縣志

卷五

武備 兵制

二

袁州協營兼轄臨江駐劄袁州府原經制官八員馬步戰守兵丁八百名康熙二十三年奉裁一百名三十四年又奉裁二十三名見設副將一員中軍都司僉書一員千總二員把總四員馬戰兵七十名步戰兵一百一十七名守兵四百九十名各官自備征馬三十八匹兵戰馬七十匹雍正三年以南昌鎮標後營遊擊移駐銅鼓營原設守備一員帶領把總一員兵丁一百二十名征馬六匹駐防萬載縣載通志

康熙十三年甲寅棚寇爲逆改協爲鎮特設總兵官一員康熙二十一年壬戌仍復爲協額定副總兵官一員中

軍都司一員千總二員把總四員兵丁八百名兼轄臨江其清江新喻分宜宜春萬載萍鄉六縣各汛分撥千把總帶兵巡防至康熙二十三年奉文裁減兵丁一百名康熙三十四年又奉文裁減兵丁二十三名雍正六年內奉文將萬載縣汛改歸南昌鎮標銅鼓右營管轄其本營原防萬載汛把總兵丁撤調回營分防宜春縣汛雍正七年奉文額設經制外委千把總四員分撥各汛與防汛千把督兵協防乾隆十年奉查江西形勝衝要惟宜春之太平關萍鄉之案山關插嶺關石灰營關爲楚省必由之路實江西省之藩籬袁郡之要害太平關

宜春縣志

卷五

武備 兵制

三

石城殘闕案山關坍毀無存插嶺關僅留舊址石灰營關惟有磚門分別修建添丁防守旋經議詳准撥協防宜春外委千總一員帶兵九名巡守太平關又撥存袁兵五名巡守案山關案山係萍鄉縣地卽今防守萍鄉把總外委就近管轄稽查插嶺關亦萍鄉汛原兵一名添撥兵四名共五名石灰營關離湘東汛不遠尙堪兼顧未經另撥現在協營額定官八員外委四員馬步戰守兵丁六百七十七名營馬七十四匹各官經制例馬三十八匹載府志

副總兵官一員

歲支俸銀五十三兩四錢五分零心紅紙張蔬菜燭炭銀三百二十四兩坐馬十二

匹每匹乾銀一十中軍都司一員歲支俸銀二十七兩
四兩四錢餘同三錢九分零心紅紙
張疏菜燭炭銀一百歲支俸銀各十四兩九
一十四兩兩坐馬四匹千總二員錢六分零薪蔬等銀各
三十三兩六分把總四員歲支俸銀各一十二兩四錢
零坐馬各二匹七分零薪蔬等銀各二十三
兩五錢二分零外委千把總四員雍正七年奉文添設
坐馬各一匹仍歸馬戰數內支領
戰馬糧餉以上袁臨協本營共額設官一十二員

額設經制馬一步九戰三守七馬步戰守兵丁八百名內

康熙二十一年奉文裁減馬戰兵十名步戰兵二十名

守兵七十名共一百名康熙三十四年奉文裁減步戰

兵二十三名現設馬戰兵七十名每名歲支餉銀二十

步戰兵一百一十七名每名歲支餉銀一十守兵四百

武備兵制

宜春縣志 卷五

九十名每名歲支餉銀一十兵戰馬七十四每匹歲支

四兩

以上袁臨協本營共額設兵六百七十七名又於實在

數內分爲四停弓箭兵二百七十三名鳥鎗兵三百三

十六名大炮兵二十八名藤牌兵四十名大炮藤牌原

乾隆十八年奉文將弓箭兵改設

乾隆三十八年正月內裁歸臨江營千總一員外委把總

一員馬戰兵八名步戰兵十三名守兵六十名官自備

經制馬二匹兵戰馬八匹乾隆四十八年正月初一日

一刪除公費守糧十七名嘉慶二十年奉文陸續裁減馬

戰兵九名守兵三十五名兵戰馬九匹於嘉慶二十一年十二月內裁竣實在官七員兵丁五百三十五名各官自備經制馬二十六匹兵戰馬五十三匹

現在駐劄袁州府城副總兵官一員都司一員統領馬步戰守兵丁三百八十名防守居中調度

現在分防附郭本縣千總一員把總一員帶領馬步戰守

兵丁五十二名防守所管水陸塘汛

內把總一員係雍正六年奉文將萬載縣改歸南昌鎮管轄其原防把總一員兵丁八十一名撤調回營歸伍派撥巡防

本縣管轄水塘五處每塘設立塘房一所瞭樓一座烟墩三個炮臺一座哨船一隻防守塘兵各五名共二十五

宜春縣志

卷五

武備 兵制

五

名 水次塘 白沙塘

下浦塘 西村塘 明津塘

旱塘四處每塘設立塘房一所瞭樓一座烟墩三個炮臺一座防守塘兵各二名共八名

杉江塘 七星塘 埔汶塘 澗富塘

本縣分防太平關外委千總一員帶領兵丁十一名巡防

乾隆十年奉文修葺關門詳撥外委一員防守巡查

慈化隘派撥步戰管隊一名帶兵八名巡防

管轄汛防地方東至彬江與分宜縣界連西至分界舖與萍鄉縣界連南至澗富嶺與吉安府安福縣界連北至

周家市與萬載縣界連

額設小哨船本縣汛水塘五處各一隻

現在袁營軍仗器械
 一位威遠炮二位馬蹄炮一十一位防禦袁郡四城
 三百三十六桿青布繡麟鐵盔甲七十三頂副青布鐵盔實行棉甲三百
 星鐵盔甲二百七十一頂副青布鐵盔實行棉甲三百
 三十六頂副藤牌四十面牌刀四十口挑刀十口虎帽
 虎衣虎褲襯帽各四十件青緞號帽五百六十頂青布
 鑲紅夾布號樹二百三十八件綠緞金龍大旗十四面
 綠緞五彩龍大旗十四面綠緞金龍小旗七十面綠緞
 五彩龍小旗五十面紅緞紅旗二十四面色緞衝鋒旗
 二十面油布大旗一十六面油布小旗八面油布紅
 旗一十六面色布衝鋒旗十面大涼蓬一頂小涼蓬一
 頂帳房一百四十五頂銅鍋鐵鋤金鏟鏹鋸各一百
 四十五副戰鼓十面銅鑼二面鐵月斧二百五十把預
 備火藥三千三百筋鉛彈三千三百筋廢鐵斧鏹鋤各
 十把戰轟旗桿一十二桿各兵自備弓二百三十八張
 各兵自備撒袋箭把箭三千八百八枝各兵自備戰箭
 七千五百四十枝各官弁自備戰箭一千四百三十枝
 各兵自備腰刀六百七十七
 口其餘什物均各兵自備

宜春縣志

卷五

武備 兵制

按嘉定志營寨有袁州衛教場一處東教場舊在天慶
 觀西即東湖閣武堂今為貢院慶元二年州守江自任
 移於東門外四里地名桐木岡西教場在州治前街南
 即舊南園舊有遠軒道堂吏隱堂効勇營在州城南街
 南舊名保節廂軍額二百五十一人牢城營在州城東
 街南廂軍額二百八十一人武雄營在州城東街南即
 舊同巡檢營揀中禁軍額二百人不係揀中禁軍一百
 人壯城營在州城西廂軍額一百人東西舖兵額二百
 三十八人舊有洪州屯駐營在東門內潤州屯駐營在
 謙門內宣衛屯駐營在南門內虔州屯駐營在縣西八
 十里陳家寨在西門外秦家寨在
 州西城外溢洲塘側以上前志

道光十一年奉文陸續裁減馬戰兵四名步戰兵六名守

兵三十五名戰馬四匹

道光二十二年三月內奉文裁減馬戰兵一名步戰兵一

名守兵三名戰馬一匹

袁州營馬戰守兵四百八十五名內馬戰兵四十四名步

戰兵九十七名守兵三百四十四名

內撥萍鄉縣馬戰兵二名步戰兵七名守兵七十二名

撥分宜縣步戰兵三名守兵三十一名

撥新喻縣步戰兵三名守兵四十九名

共撥三縣汛馬戰守兵一百六十七名

存城弓箭鎗牌戰兵八十四名

存城弓箭鎗牌守兵一百九十二名

存城馬兵四十二名內鎗馬兵十名

總共存城馬戰守兵三百一十八名

宜春縣志

卷五

武備 兵制

七

附王延禔兵議

按袁郡在承平時止有團練民兵三百一十八名分防郡縣以及插嶺慈化兩

隘每名工食歲入兩六錢四分守令提調不敢恣橫道

崇正六年流賊四起知府田有年始詳設標兵百名把

總一哨官二統領以防萍鄉之插嶺關又編僧兵百名

更番以防慈化喝斷山挑選衛軍之壯者給以雙糧使

互相守城是猶無損於公家也崇正十年流寇犯袁州

屬紳衿議設義兵官春萍鄉各三百分萬名二百士民

照糧助餉崇正十一年撫院解公發省營兵四百名使

把總一員哨官四員統之屯萍鄉西城外十六年獻賊

犯袁總鎮左良玉兵踵至追逐於是賊梳兵篋地方騷

然矣十七年江督袁繼咸宜春人也遣標將謝騰雲率

兵千餘防袁餉則司餉也

大清定鼎袁士初入叛圖長沙尚未向化所在伏莽竊發委

將郭天才鎮袁兵丁厥役等共二萬餘名順治三年部

推副將尙登第協守始有專官見設兵將每年約俸餉

銀三萬二千八百兩有零此袁郡設官之原委也今外

患內憂均難弛備然去歲鄰警仍求外援潯鎮兵來但

聞擄掠蘇都司防禦萍鄉所部土兵盡逃止統親丁捍

禦幾罹不測土兵之緩急不足恃即此可見故知將不

宜春縣志

卷五

武備 兵制

在高銜而在勇怯兵不在多寡而在精練果能實心簡
 練不冒虛糧堪戰之兵雖數百可也多復何益倘謂兵
 少則戰守難兼顧不知守兵在城何嘗登陴警夜日盡
 遊行里巷或邀截柴米蔬菜或強買雞豚砍伐樹木或
 離伍貿易串引叛僕且一隸兵籍即通抗錢糧甚有族
 黨媼戚俱為逃遁使長吏束手而莫可問又有郟城一
 委以千把之職即乘馬黃蓋抗揖長吏至有操其長短
 者兵丁即守令薪米攘奪不怨平民可知也戰守機宜府
 監司亦未遽行法則守令可知也戰守機宜府縣亦不任
 與聞一有疏虞不免先受處分恐府縣亦不任受也今
 欲使兵民相安莫若使兵有制而畏法欲兵有制而畏
 法莫若使之稟令於府止設守備一員千總二把總四
 兵一千名以三百駐萍鄉一千總統之令分防插嶺慈
 化喝斷山等處二百駐萬載一把總統之令分防湖南瀏
 衛根本不時策應一把總統其大綱各縣分其訓練兵不
 擾民民不苦兵一旦有急可恃以無恐矣至於守兵又
 有可議者彼妻子墳墓多散處各鄉猝然有事欲閉之
 城中使為我捍禦必不得之理也計莫若慎選府兵而
 操練之夫營中守兵一年計食餉十二兩府兵每半年僅

八兩六錢四分猶之土著也一兵較減三兩三錢六分
 留原額民兵即減去守兵三百一十八名當減餉一千
 六百一十九兩零待人數既足後漸裁管中守兵是袁
 州仍存一千六百戰守之兵而袁已去八百名之實也
 但此議所關甚大遇變而兵將奔潰責不及兵將無兵
 而少一露此言則禍且
 密一露此言則禍且
 不測此旦夕之慮也

附袁繼成郡伯解公鼎建各營哨碑記
 丁丑之歲仲冬
 晦日臨藍巨寇
 數千蹂躪攸醴踐掠昭萍勢如破竹隨長驅抵袁斫門
 豎梯畢盡攻城之技勢耽耽必下若瑞若臨檄虞唇齒
 幸郡伯華育解公專城斯際殫心瘁力不辭嚴風凍雪
 嬰城固守時郡之西門正寇之首衝一面也公不動聲
 色率兇鏖介胄暨間井効死之衆捐金激犒更分派各
 寅僚共相協防公平日威信固結雖敵衆寡盛攻比
 晝夜其如噴目雉堞者堅壘具在人心公既暇整冠已
 失其銳矣會部院以調遣臨郊及程令乞楚師兼至公
 啟壁夾擊俘戮無算衆孽遂跟踰遁去孤城所繇幾危
 而復安也然公豈旦夕獲茲殊績哉公下車正值府飢

宜春縣志

卷五

九

後流離瓊尾而公茹葉將茶多方招撫屬楚氛隨震除
 器飭備百爾繕葺著有同圍要畧諸書為未雨徹土之
 防讀者蚤知公之籌算遠矣寇退而衆方相狃公獨悵
 恨既割俸增築城闈復深隍渠徐進鄉大夫士庶而前
 日若曹雖僥倖以有今日而近顧虞墟壘遠顧虞關隘
 善後謂何補牢猶未晚也爰稽舊額精兵數百呈散各
 邑統無專閫故武備弛而緩急靡恃脫今衛不益兵將
 有險無守雖孫吳罔以制勝兵議募一千用六百均隸
 郡萍而分隸分萬者各二百顧益兵則措餉置帥營房
 幕府勢必關隘要地連彙並舉因謀之紳衿父老輩白
 諸當道既許可仍協謀詳酌凡官餼兵糧供應器械若
 而費再三較訂允懼以安民者困民念袁賦什伯他封
 邇來兼苦寇餉而編較萬不容已因是痛心疾首每縣
 酌衷厥畝以給公需儲厥羨以備餘費務期公私兩便
 無憾而後即安蓋凡我公之所為正極難耳公為其難
 而一時師閫兵營以暨諸關哨塞堡星羅碁布煥然畢
 舉軍容交振若李光弼新入河陽壁壘旌旗一變今白
 東郊卜築郡營外復謀所以控扼湘楚者以防洞庭旌
 擇險於萍邑之西關創建營署合計官解若千兵舍若
 干楹工始於己卯年二月落成於十一月棟宇飛翬形
 武備兵制

勢克壯真一方雄鎮哉是役也董謀則道憲王公郭公
 吳公協贊則郡丞周公別駕林公司李丁公前司理陳
 公則庀材督造之勞尤多也至若篤念孤城百世之安
 維始圖終實賴華育解公云雖然神氣壯矣瘠土繁徭
 皮枯血盡所期繼茲郡長如我公者噓培元氣庶榮衛
 益充稍可安枕於一隅也撫時思變亦將有感於斯文
 公名經達號華育陝西韓城
 人崇正庚辰歲冬月記

武事

晉

永嘉五年洛郡不守司空荀藩移檄以帝爲盟主承制改
易長吏江州刺史華軼不從命於是遣左將軍王敦都
督甘卓周訪宋典趙誘等討之軼遣別駕陳雄屯彭澤
以拒敦自率舟師爲援武昌太守馮逸次於湓口訪擊
逸破之前江州刺史衛展不爲軼所禮與豫章太守周
廣爲內應潛軍襲軼軼衆潰奔於安成追斬之及其五
子傳首建業載晉華軼傳

夏五月杜弼陷長沙湘州刺史苟眺走州人推安成守郭

宜春縣志

卷五

武事

察領州事率衆討弼反爲所敗察死之載晉書

義熙六年春三月盧循自始興寇長沙徐道覆寇南康廬
陵豫章諸守相皆委任奔走道覆順流而下安成公何
無忌自潯陽引兵拒盧循長史鄧潛之諫曰循兵艦大
盛勢居上流宜決南塘守城以待之彼必不敢捨我遠
下俟其疲老然後擊之參軍殷闡曰循所將皆三吳舊
賊百戰餘勇始興溪子拳捷善鬪宜留屯豫章徵兵屬
城兵至合戰未晚也無忌不聽與徐道覆遇於豫章賊
令疆弩數百登西岸小山邀射之西風暴急飄無忌所
乘小艦向東岸賊以大艦逼之衆遂奔潰無忌厲聲曰

郡應益等穎孚聞兵至望風奔走前內史謝篡復還郡
劉希祖至安成攻戰七日城陷僧簡見殺希祖仍爲安
成內史穎孚收散卒據西昌謝篡又遣軍攻之穎孚敗
奔尋卒後修靈祐合餘眾攻篡篡復敗走豫章希祖亦
以郡降載南齊書蕭穎胄傳

梁

大同五年十月辛丑彗出南斗長一丈餘東南指漸長立
丈餘十一月乙卯至婁滅占曰天下有謀王者其八年
正月安成民劉敬躬身扶左道以反黨與數萬載隋書
天文志

宜春縣志

卷五

武事

三

八年安成劉敬躬于田間得白蛆化爲金龜將銷之生光
照室敬躬以爲神而禱之所請皆驗後謀反伏誅載豫
章書

太寶二年李遷仕與甯都人劉孝尚并力將襲南康陳武
帝令僧明與周文育等拒之相持連戰百餘日卒攜遷
仕送武帝及帝下南康留僧明屯西昌督安成廬陵二
郡軍事載杜僧明傳

太平元年割臨川安成豫章巴山置高州以黃法氈爲刺
史鎮巴山後蕭勃歐陽頎來攻法氈破之載梁書

隋

開皇九年平陳之後以舟師自斬水趣九江晉王已平丹陽王世積移書告諭陳江州司馬黃侃棄城遁世積至豫章太守徐璿廬陵太守蕭康尋陽太守陸仲容巴山太守王誦安成太守王瓘鄱陽臨川守將並詣世積降載隋書王世積傳

太業十二年冬十月鄱陽賊帥操師乞自稱元興王建元始興攻陷豫章郡以其鄉人林士宏爲大將軍詔治書侍御史劉子翊將兵討之師乞中流矢死士宏代統其衆與子翊戰於彭蠡湖子翊敗死士宏兵大振至十餘萬人十二月士宏自稱皇帝國號楚建元太平遂取九

宜春縣志

卷五

武事

四

江臨川南康宜春等郡豪傑爭殺隋守令以郡縣應之其地北自九江南及番禺皆爲所有載通志

唐

高祖武德五年冬十月楚王林士宏弟鄱陽王藥師以兵二萬圍循州總管王世畧破斬之士宏請降王戎士宏黨亦獻南昌地詔戎爲南昌州總管士宏復遁保安城山袁人相聚應之爲張善安所察以兵赴討會士宏死黨乃解散通志

天祐六年六月危全諷自稱鎮南節度使攻洪州楚馬殷遣指揮使苑玫會袁州刺史彭彥章圍高安七月淮南

遣招討使周本擊全諷全諷於象牙潭營柵臨溪亘數
十里本隔溪布陣先使羸兵嘗敵全諷兵涉溪追之本
乘其半濟縱兵擊之全諷兵大潰溺水死者甚眾本分
兵斷其歸路擒全諷及將士五千人乘勝克袁州執刺
史彭彥章進攻吉州載通志

八年吳淮南節度副使陳璋等進攻荆南高季昌遣其將
倪可福拒之吳恐楚人救荆南遣撫州刺史劉信帥江
撫袁吉信五州兵屯吉州爲璋聲援載通志

十一年夏四月吳袁州刺史劉崇景叛附於楚楚將許貞
帥萬人援之五月吳都指揮使柴再用米志誠與崇景

宜春縣志

卷五

武事

五

許貞戰於萬勝岡大破之崇景棄袁州遁去載通志
十五年正月以右都押牙王祺爲都指揮使將洪撫袁吉
之兵擊譚全播於虔州載十國春秋

南唐

保大九年邊鏞以信州屯兵出宜春討長沙破其軍於龍
回關徐威等以希萼爲洪州大都督載南唐書
之族於金陵以希萼爲洪州大都督載南唐書

十四年柴克宏爲撫州刺史會淮南交兵吳越伺間侵常
州克宏請効死行陳元宗嘉其志授右衛將軍遣與袁
州刺史陸孟俊同救常州大破之載柴克宏傳

宋

開寶七年袁州萍鄉制置使劉茂忠破潭師於境內拜袁州刺史載南唐書

建炎元年冬十月兀朮分兵一自滁和入江東一自蘄黃入江西劉光世及知江州韓相遁十一月滕康劉珪聞金兵至奉太后出城江西制置使王子獻棄洪州遁金人陷臨江軍守臣吳將之遁陷洪袁撫守臣季積中王仲山王仲巖降載豫章書

高宗時萍鄉寇犯袁州岳飛親授統領徐慶王貴方畧未幾悉平載武穆傳

宜春縣志

卷五

武事

六

元

至正四年夏六月袁州民周子旺反僭稱周王偽改年號擒獲伏誅載元史

十一年袁州慈化寺僧瑩玉以彌勒佛教鼓動湖湘從者甚眾載史畧

十二年徐壽輝僞將歐普祥陷袁州載通志

明

二德十四年甯王宸濠反南贛巡撫王守仁討之袁州知府徐連亦引兵進載通志

崇正十年丁丑冬十一月二十五日臨藍賊劉新宇聚黨

數千人從醴陵之淥口舍舟趨萍鄉來寇袁州二十九日賊至府城札營西關拆屋伐木爲攻城計殺僇甚慘十二月初二日賊自西門分兵渡北關札營拆屋抄掠如西關賊先布奸細趙大春等入城謀內應至期集黨西城假以降神欲砍門引賊初三日謀獲斬之初四日賊掩省兵於東路省兵敗績初五日賊雲梯兩道並進攻西北二門城上以死拒守懸金募燒雲梯初六日居民文繼廷糾義勇彭新橋萬良臣等以昔隨孫閣部承宗軍中守城常用虎蹲銃過泊春坊賴閃仲儼大助火藥衝斷左右挽梯布組雲梯橫倒聲如雷裂良臣等挾

宜春縣志

卷五

武事

七

短刀繩城下焚之閱兩日賊稍退城得不陷本日省兵合吉兵復戰北門自東門渡江迎戰我兵復敗績初八夜彭新橋等潛渡北關縱火焚賊營賊還西門合寨并力攻城十一日萍鄉知縣程之敦以辰兵至大戰賊於城西城中鼓噪相應賊敗走依縣袁城解嚴載府志

十六年癸未夏五月萬載天井窩寇起九月城空十月初五日天井賊邱仰寰據城初九日左帥副將吳學禮督馬步兵五千自潯至殺賊旋班師十三日獻賊僞恭將畢登雲自萍至袁札營演武亭二十五日賊大營自吉至邑總督袁繼咸以昔撫鄖嘗困賊遂於橫塘袁氏村

焚洗一空分宜貢生張兆蘭糾集義旗謀復城不克死
之十一月二十五日左帥鎮將馬進忠王允成李某等
大兵至賊先期棄城去左兵札營四路綿亘各數十里
橫殺袁境至十二月二十五日方啟行甲申正月方悉
營還楚別將楊躍龍一營二月初十日方還潯計兵賊
殺擄凡三月餘城中埋過屍五千有奇察還擄匿婦女
八百四十一口城外各鄉不勝計從來殺戮無如此慘
者載府志

秋八月張獻忠陷長沙降將尹先民何一德願効前驅進
取江西獻忠悅僞封世襲伯九月賊前鋒至袁州獻忠

宜春縣志

卷五

武事

八

至萍鄉知縣棄城走萍鄉士民牛酒遠迎賊賊陷萍鄉
盡焚公廨屋廬空其城獻忠歸長沙分兵徇分宜十月
賊陷萬載陷袁州左良玉遣副總吳學禮來援次於分
宜進圍袁州僞將邱仰寰拒守都司高山奮身先登斬
賊二千四百奪馬六百擒斬邱仰寰復袁州時江西袁
州吉安臨江人民多徙山谷官兵浮殺俘擄三郡苦之
所在屯結以拒官軍巡撫郭都賢檄撤左兵回九江招
上著以戍三郡官兵既撤賊自長沙突至吉安兵備道
岳虞巒方閱軍於郊聞報潰走吉安諸縣同日陷賊設
僞官改吉安爲親安府廬陵爲順民縣賊將張其在發

偽檄馳下袁州兵民皆傾城先竄賊復入袁州左良玉
令馬進忠等將兵赴袁州十一月江督呂大器兵復吉
安進忠等兵至分宜賊盡竄袁州進攻之賊開門西走
追逐三十里復袁州盡誅諸偽官斬首三千級奪賊馬
五百弓矢數萬是月設南贛兵三千以副總兵鄭鴻逵
統之十二月獻忠遣兵陷建昌又陷撫州南豐明年獻
忠棄長沙入夔州載明史紀事

十一月左帥鎮將馬進忠王允成等督兵再復袁州左兵
淫殺百倍於寇宜春化北鄉林田石洞深邃廣闊居民
避入洞內兵以火薰之死者千餘人載通志

宜春縣志

卷五

武事

九

皇清

順治二年乙酉八月大兵至袁明楚帥黃朝宣與袁州守
將蒲通志作胡縷敗奔肆虐絡繹袁萍署府事同知李時興
自縊於萍鄉官舍朝宣踞萍立寨九月萍鄉知縣陳其
謨被執次年九月知縣蘇于令亦被執居民殺戮者過
半先是朝宣自燕子窩督兵數萬來攻袁於城西鳳凰
山築土城開濠爲持久計進逼北城是年正月金聲桓
遣副將白之裔來援朝宣解圍去五月鎮將郭天才折
民屋置甕城增修敵樓載府志

四年丁亥春二月大兵直搗朝宣巢穴與衛承兵夾攻朝

宣不克

五年戊子金聲桓以江西叛遣鎮將湯執中蓋遇時及自號義旗者分踞郡城互相吞併五月執中南下十月遇時西奔袁城復空十一月三關棚賊據城

六年正月城復

康熙十三年甲寅四月棚賊朱益吾王乃忠等據三關九畝以叛蟻聚數千人大肆殺掠男女死者無算遍焚民居廬舍蕩燼協鎮趙應奎遣守備陳素綸楊朋實帶領官兵前往慈化各地方堵截六月十一日遣守備陳素綸千總金明俊等統領馬步官兵進剿三關九畝十三

宜春縣志

卷五

武事

日陣斬賊首朱益吾逆姪朱翰苑直搗巢穴陣擒賊首李念松李贍我七月初五日又遣千總趙光正汪國棟等征勦慈化黃塘楚山泉坑等處九月賊黨愈盛處處蜂起石裡石外薦裡薦外化北遷喬等鄉皆屬賊踞聲言欲屠袁城坊隅居民逃散闔邑戒嚴十月賊焚掠錢塘等處十四日遣守備楊朋實前往勦殺百餘人活擒十八名賊據萬載城餘黨分踞善和鄉荆橋等處二十一日總鎮趙親統官兵會同都統穆前往荆橋地方撲剿偽總兵左宗榜陣斬逆賊五百有餘活擒五十餘名公審正法二十二日隨統滿漢官兵前往萬載陣斬逆

賊數百生擒賊首邱以祥與偽知縣童聖功恢復萬載
縣城池十一月棚寇帶引逆賊偽掛印將軍朱偽總兵
黃乃忠等由西村一帶逼近郡城初三日總鎮趙會同
都統甘統領滿漢官兵前往堵剿陣斬數千級初四日
檄令防萬遊擊陳素綸撲剿萬載逆賊陣斬偽監軍道
盧景岱父子賊將漆國勳生擒偽守備李恩

十四年乙卯三月賊焚擄油木棟一帶地方初二日遣中
軍遊擊潘希聖等統兵進剿斬偽千總支勝吾殺賊二
千有餘生擒賊首七名四月初十日進剿白水老巢殺
賊千餘人

宜春縣志

卷五

武事

十一

十五年丙辰二月十二日遣千總馬光英把總丁魁帶領
馬步兵丁隨王師征勦萍鄉逆賊十五日陣斬偽守備
馬登雲李正良吳鍾并斬囉囉等恢復萍鄉城三月初
五日遣把總陳忠等領兵前往長坑地方生擒偽總兵
揭玉卿胞弟揭文卿并賊黨一十一名正法三月二十
二日遣中軍遊擊李顯宗等統領馬步兵丁自袁遣發
又檄防萬遊擊陳素綸從萬載遣發訂期會勦鐵山界
巖前等處搜勦偽總兵朱永盛等陣斬偽都司一偽守
備一并獲偽劄三張生擒偽千總曇雲追至沙溪湖塘
城潭江殺賊千餘生擒偽守備孔貴所餘逆逃遁瀏陽

醴陵各處深山復率官兵前往楊木地方及脚版坑等處陣斬僞將軍隨征官甘復登殺賊無算四月棚賊復據萬載十五日遣守備楊朋實都司趙應時等統領官兵前往萬載會同遊擊李顯宗策應會勦逆賊恢復萬載城池二十日遣城守營遊擊關彪前往茶村一帶撲勦逆賊陣斬僞守備江文夾

十六年丁巳正月二十四日總鎮趙應奎統領遊擊趙應時等馬步官兵從金瑞進發又遣城守遊擊關彪都司江國樑等領馬步兵由白沙桐木前進又遣守備胡文良等領兵由上栗市碧溪前進訂期夾勦白水株樹潭

宜春縣志

卷五

武事

七

老山坑聚錢坑鐵山界蜈蚣巢藍家巢葛坑南巖紅紗等處直搗黃茅孫家墩老巢陣斬僞遊擊周良宇卜鳳奇僞都司張問達黃大用歐陽勝楊吉勝陣獲僞將軍大旂手會興段祥楊蘭生殺賊不計生擒賊兵王仲等三十一名賊巢盡燬賊首朱永盛曾加印等嘯聚餘黨潰逃瀏陽東鄉大圍山雞婆尖等處因地界寬濶山林深險於二月十七日收兵回營屯札株樹潭築蓋營房總鎮趙班師回鎮留健丁遊擊趙應時城守遊擊關彪都司汪國樑統領馬步官兵駐防因守賊巢不時搜勦賊勢窮迫乃於戊午年二月十八日僞總兵朱永盛高

玉澤曾加印偽副將范君佐甘孕貞邱加職陳君啟偽
遊擊叅守千把等官率領偽兵萬餘親詣株樹潭投誠
二十八日自株樹潭起身送赴袁城叩見總鎮隨蒙總
鎮趙城守關彪遊擊趙應時都司汪國樑知府顧軍廳
孟宜春知縣吳各捐米有差安插投誠官兵地方安堵
隨奉總督董分散各標効用兵丁入伍食糧如願歸農
俱准回籍

總鎮趙咨呈驅逐棚民稿附

爲呈報驅逐棚民以靖地方以固邦本事切照袁郡僻
處山陬界連閩楚三關九嶺高嶺遂谷向爲藏奸之藪

宜春縣志

卷五

武事

三

先年閩省棚民潛居其內事平則耕山種麻遇亂則糾
衆橫行查自甲寅年叛亂以來乃有渠魁朱益吾李念
松等勾連吳逆盤踞萍鄉東鄉西鄉百姓無不受其荼
毒屢年以來發兵洗勦漸次削平擒渠獲醜久經呈報
本部院荷蒙具題在案但其勦殺之餘復經潛入實關
民瘼今據袁州府宜春縣鄉紳潘于連袁一菁楊尙義
萍鄉縣貢生李明喬譚錫命等生員姚蠡方直林喬植
柳元生鄧嗣禹陳德瑤等爲乞奮霆斷盡行追逐早弭
禍亂以永靖袁土事大憲德威丕著士民感恩再造禍
緣棚寇盤踞各鄉呼朋引類釀成積患在承平之時或

資夜行劫或早荒搶奪屢受其害一遇有警則蟻附蜂
發自

國朝定鼎以來一反於金王作變之年再叛於江南震動
之日至康熙十三年四月滇黔煽禍幸際大憲親統馳
貅神速撲勦犁庭掃穴郡賴更生稍寬一網許令投誠
詎惡遂藉招撫爲由仍然戀住三關陽爲歸順陰伺間
隙容匿奸宄潛通消息雖附近鄉愚已經控詞蒙憲批
着驅放回籍奈惡懷奸觀望飾詞題延留連袁土乘時
竊發抗藐憲法不促歸裝切思非我族類其性必異狼
子野心終難馴服養虎噬人一悞不堪再悞厝火積薪

宜春縣志

卷五

武事

古

小仁必亂大謀倘此日遲遲不去逆黨必源源而來不
特日後大患叵測實目前隱憂可慮憲與民除害千載
一時紳等情切生死慮深家國宵懇終恩俯仰輿情迅
法屏除盡驅回籍不留餘孽立斬禍根袁民有賴又據
宜萍二縣難民鄉長余孟器譚文斗等連名狀訴爲再
頒文武神威執法靖孽保國安民伸雪人鬼大冤事內
稱禍因棚逆朱益吾插居袁地引類呼羣假以耕山爲
名節行倡亂各憲有案不期康熙十三年風聞楚孽乘
機橫法殃民男婦任其殺擄屋宇盡爲灰燼包山血洗
枕骨遍野屢蒙憲台整旅蕩勦餘黨刀下免死招安屢

赦屢叛仍前作虐以致殘子此僞四載不敢歸家今春
蒙總憲蕩平之後三月內示限五月概促回籍蟻等於
七月內冒訴憲台頒全始終民信不意反遭客長王元
德譚輔臣等訴稱林木池魚禍殃不已乞分黑白覆盆
有天捏架虛詞席捲謀產哭思棚遊閩人異籍蠶食袁
州有年自朱益吾叛亂之後三關父子兄弟人人皆賊
卽今年蕩平已久株樹潭上粟市萍鄉安福萬載四面
大兵雲集楚逆從無犯界而擄桐木擄狗頸擄秋江擄
雞冠擄上通擄下通擄名湖擄金竹擄清溪擄小規擄
石觀皆此招安餘孽之害也遇進勦則藉招安爲救命

宜春縣志

卷五

武事

五

之藪一師旋則仍復負隅肆毒無有休日且王元德素
行不軌康熙十年穀價稍貴卽糾黨湧船搶擄南米致
易登三彭茂芳已經具控前任軍憲勘審案存平時尙
且橫行臨變豈不附叛哀懇大憲作主驅逐當道豺狼
合郡絃歌載頌子子孫孫立碑焚祝又據袁州府宜春
縣合邑鄉紳潘子達楊尙義袁一菁貢生楊士嘉袁一
颺周家楨生員姚蠡張鳳翥梁曾耆民胡姚祚等公呈
爲棚逆藐抗遷延再懇迅驅回籍永杜亂源永奠殘黎
事憲臺撫愛黎元德並高厚蕩掃妖氛威鎮江楚數載
以來帷幄深謀鯨鯢授首現今樹幟要區遊魂遠竄目

前所深慮者三關餘黨名藉舊日招安陰爲豺狼之淵
藪士民所披瀝者百年遠計實望此際驅除永絕虺蜴
之胎卵日前具控荷蒙申飭再三年復一年未見束裝
載道踪跡逗留心懷叵測此輩一日不去殘黎終難復
業現前已作遁逃之首將來不免萌蘖之生見患不除
爲憂方大懇乞總憲威行風電迅掃遺孽押令刻期速
行毋俾伫立觀望更有深冀者新喻鐵坑一帶餘孽尙
有負隅竊恐中途類聚相符爲奸是此去而彼留實前
驅而後進必爲異日之隱憂可無先事之早計伏懇賞
文嚴勅各屬沿途曉諭押令出境毋容隱匿本土復圖

宜春縣志

卷五

武事

六

乘釁竊發則總憲勝算萬全而造福於袁郡者與天地
同悠久也地方幸甚士民幸甚各等情到鎮據此照得
此輩立心不軌素行叵測革面未必革心昨本部院進
勦銅鼓賊衆望風披靡其潰敗逃竄者或三五十或百
十成羣潛伏三關之內而棚民爲之容隱以致百姓不
敢進內耕種田土悉屬拋荒且包藏禍心日則剃髮是
民晚則糾黨行劫復通各處賊寇暗行不軌其叵測情
形屢經報明在案萬一別境稍有蠢動又復乘機竊發
况三關地連蘆溪宜風長沙孔道若不亟行屏逐實萬
分可慮誠爲袁郡隱憂今據各鄉紳遞陳前來本職意

欲發兵勦洗以盡根株仰體

皇上好生之德暨本部院勦撫並用之恩查此輩盡屬閩人今該省業已恢復現在行令將備會同有司委官驅逐盡行促令遞解回籍度內患不得復萌而地方永享安全之福矣除會同袁州府縣委官逐令回籍并安插百姓各歸原業之後另文呈報外合就咨呈本部院俯賜查奪施行康熙十六年十二月二十五日咨呈至十七年戊午正月初六日遣健丁營守備許君用中營守備趙光正會同軍廳孟前往三關九畝等處驅逐棚民又檄防守株樹潭都司汪國樑驅逐慈化余家坊桐木上

宜春縣志

卷五

武事

七

栗市荆坪黃塘馬嶺桃塘馬坑施家坊等處棚民數千餘戶悉令回籍永絕根株

驅除棚寇功德碑附

袁州接壤於南爲吳楚咽喉重地百年以前居民因土曠人稀招入閩省諸不逞之徒賃山種麻蔓延至數十餘萬盤踞深谷即在太平無事之秋陰行劫掠一遇變生輒爲亂首崇禎壬午天井盜起則邱仰寰入據郡城順治戊子金玉謀逆則朱益吾播虐鄉邑己亥海寇犯金陵復揭竿樹幟怙惡不悛當時惟因循姑息釀成大患頃因康熙十三年吳逆竊據長沙此輩蜂起響應編

亘數百里焚殺淫擄所過爲墟萍萬二邑再陷袁城危
若纍卵賴總憲趙公祖以貫日精忠運如神智略鷹揚
一怒出萬姓於湯火之中遂臬渠帥朱益吾殲羣醜李
念松王乃忠等卒使環袁以內先復舊宇大江以西無
缺金甌凡茲鋒鏑餘生謳吟弗輟禱祀難忘者也尋復
招楚界負嵎窮寇盡數投誠且搜剔三關九圖遺類勒
令回籍是一時剽懸之厄可解而百年難拔之患獲除
但柵黨奸狡百出陽托旋里陰匿近境者實繁有徒幸
逢府憲于軍憲楊縣尹王會同總鎮梁深慮各屬鄉隅
不戒從前之失復貽滋蔓與袁民約束再三嚴行保甲

宜春縣志

卷五

武事

六

之法逐戶逐營查驅毋俾遺種於茲土其先後崇功偉
業直與袁山秀水流峙無窮凡屬部內得以飲和食德
寢處不驚者皆文武公祖父母貽謀之遠且大也其防
患捍災恤民輯兵諸善政未易殫述第綜其驅除柵寇
功德壽之於石以誌不朽且戒後之紳士居民世世子
孫無蹈前愆招之復入尤冀仁人君子牧斯土者綢繆
未雨無替我公祖父母之恩勤則萬世之利賴也夫

府憲于嗣昌禁采買革火耗事蹟

宜春自軍興旁午百姓苦於供億最難堪者營弁假軍
芻爲名肆行采買積弊難革府憲於下車之後會同軍

憲楊再四申飭嚴行禁止宜民始得休息嗣奉總督于
憲檄嚴禁雜派又復嚴飭各屬并營弁不許仍蹈前轍
如敢陽奉陰違卽直指貪墨按例處分尋蒙府憲仰體
上憲德意牌示迭行務令凜遵無違又續行禁革火耗
諭令各屬恪遵總督告誡司道申飭每遇征糧之時卽
查明各戶應完實數照部頒法馬自稱投櫃於包封上
註明姓名數目以便稽核其一切火耗全無斷無不踴
躍爭先完公者不惟易全考成抑且流芳千古懸示通
衢各邑樂從萬民懽聲因而載道矣

府憲于捐米各營并請餉接濟事實附

宜春縣志

卷五

武事

九

宜春當數年兵燹之後師旅絡繹饋餉維艱袁臨鎮標
各營兵馬於康熙十七年奉

旨出征家口悉住袁城雖有糧餉按時給發而彼時投誠新
衆又有撥支月糧之欸其出征家口不無嗷嗷待哺府
憲于憫其在外勤王有楊柳雨雪之嗟家室蕭條多懸
磬敲砧之嘆自健丁營及前後中三營各捐米八十石
委把總余天奇逐日給散各沾實惠後各營奉

旨頒師其閱歲懸支糧餉應於江省領足府憲于憐其荷戈
載道盡歷艱辛一時措餉不繼實爲地方隱憂又爲轉
借銀兩接濟屢爲轉詳各憲愷切請給軍餉兵賴以濟

民賴以安是各營之涸鮒全甦而袁城之金甌鞏固為國為民皆兼得也維時健丁營及前後中三營各領捐米八十石且均受借措銀兩請給糧餉之洪恩俱經移會
在案例應紀實入乘用志不朽

附易嗣重義勇錄序崇正癸未冬獻忠之亂餘賊入宜
神助余頗疑其民特果敢恃氣耳安知兵法何稱神若
是既余避兵其間諦觀形勢扼塞指麾團練則大有
在白沙背負崇山四周若城環險阻可守是其中田疇
平曠民舍稠密糧可保聚一切往來故道悉礫木累石
塞其要害密羅致周密不得隙入又曰督壯勇舉義旗吹
筆驚習坐作擊刺宜賊之聞而不敢睥睨也問誰主謀
僉稱籌畫者禦半出蕭子某龍子汝登之力而龍子為
尤多龍子剛勁有方畧不忘忠義時同里有某某附賊
欲強之偕龍子引大義切責附賊者銜焉誘賊黨攻之
武備 武事

宜春縣志

卷五

三

龍子度勢不敵因投袂疾走白沙團練鄉勇誓不與賊
並生白沙之能奮勇殺賊皆龍子為之倡也當事不為
上其事以風勵一時乃至以是相誣病何哉寇平龍子
梓義勇錄成趣余序因草此以著白沙之勇以志龍子
之義天下有大事
得龍子者可屬矣

附施閏章麻棚謠山甌鬱鬱多白芷問誰種者閩與楚
剝麻如山召估客一金坐致十石黍此隰爾隰原
主人不種甘宴處客子聚族恣憑陵主人膽落不敢語
嗟彼遠人來樂土
此邦之人為誰苦

附陳之龍避難行不歸宜陽十四年舊時心思亦徒然
左營惡少皆控弦殺人抽腸飽飢鴛鴦婦姑命若懸
哀哀兒女寄重淵母兄子壻泉下眠寡婦孤雛泣昊天
高堂曲櫺草芊芊水郭良田石拳拳可憐賊去兵不旋
蕓巢黑夜血水濺攀藤扶葛石嶼嶼聲恨不及黃泉
誰家飛騎傳錦箋乘風破浪到君前壯年逐馬老三邊
女嫁男婚認不全相逢只恨輕去乾一官監軍不得還

潼關鮮血染杜鵑
敢云俊傑經而權
宜春春夜月娟娟
縱有春光不似先

附邑人前井蛙行
自棚冠始亂至朱益吾授首作長

怒吼變不測一朝屏跡據洞府封豕長蛇不下數十萬

往來如織紛如雨不攜半菽與寸絲寢食吾民爭吾土

平山填塹掘墳墓種苾刈藍其利溥智者先事憂未然

愚民貪得微租懷小補詎知平時夜半竊耕牛凶年白

晝搶穀掠資斧時覘四方小有警揚旗飛賊張翅股王

午天井亂也會披狂潢池舞戊子會城變妄假符命編

軍伍吾民何辜罹罪罟再犯再叛日驕恣或縱或弛誰

爲主已歎養虎自貽患乃更沐猴加冠組吁嗟兮卧榻

之側容僉壬非我族類必異心倉卒之間疆隅變狻猊

磨牙不可禁方鴟張於己亥兮網漏吞舟更肆赦旋狼

噬於甲寅兮耽耽逐逐聲相尋井底淫蛙妄自大鼓吹

幾部盤關隘焦土焚巢窺百族窺關金城列營寨一時

鼠輩爭負嶠觀變少躊躇文武師帥勤宵旰卻顧而深

虞一朝赫斯怒潛師探虎穴彼此露刃正相接咄嗟種

宜春縣志

卷五

武備 武事

三

種老頭顱劍首腥汚遊魂血渠魁雖就擒衣帶去蠹蟬
鷹眼猶自覷春花鼻聲豈復懷好音前車卽是後車戒
母俾遺種於茲滋變怪

附邑人後井蛙行 戮朱益吾後三關九圖悉起難民無

短吟夥涉爲王嗤沉沉又不見公孫子陽坐井底睥睨

吾陽稱兄弟五斗米三里霧黃巾赤眉誰比數轉眼爭

看塵中塵匍匐邯鄲失初步非熊非羆又非王者師

起雲屯欲何之往昔覆車向不戒邇來授首復茲禱

澧萍萬江楚界建牙開閭彌山寨宜春半壁汚青蠅

霧四塞隔衣帶鯨鮪相繼雖伏誅蟬愈熾煩兼驅流

毒鄉隅一炬盡滿目黃茅黍離虛擄掠妻孥不得反

鴻嗷嗷誰安居甲乙丙丁長羈旅饑腸久似空倉鼠

將遠適尋樂土折擲老幼淚如雨無家還思歸有田誰

爲主起爐作竈非容易買牛買犢不我許蒼天何時復

我廬反我桑田草萊得芟除俾我寢廟鬼神食無餒

人墳墓不坵墟賴得整旅過徂莒蒞賦兵瘡痍暫息傷

處綠林遁跡覓深處讎讎將何日盡掃平風聲鶴唳向

弓劍夢魂失守驚彈羽伏莽何日盡掃平風聲鶴唳向

心驚格面格心知誰是爲雲爲雨覆手生更復根株窟窟穴晝伏夜動肆偷竊吾民誓不與戴天照我逃亡有月如

武事續記

咸豐二年壬子髮逆直撲長沙圍其城分股竄擾醴陵平江等處袁郡戒嚴

三年癸丑髮逆由楚皖等省沿江東下金陵不守七月分股上竄潯陽旋圍南昌上游諸郡震動宜春爲江楚通衢防堵尤爲喫緊八月知府元善知縣李錕札令紳士段東暹劉昌蕃等於郡城設局募勇五百訓練成軍編立隊伍製造軍器以紳士費嘉楨李起鳳管帶駐城守

宜春縣志

卷五

武備 武事

三

禦名爲保衛局自癸丑秋歷甲寅冬用費不下數萬均由各鄉捐輸接濟報銷在案

四年甲寅四月初八湘潭潰匪大股由插嶺關直竄萍鄉窺伺袁郡城中登陴守禦礮聲晝夜不絕賊知有備迂道由繞市走株樹潭入萬載界知縣李錕率同紳士費嘉楨等帶勇出城追勦至金瑞賊遠遁

十二月二十一日土匪潛伏修仁鄉山谷勾結無賴游民乘機竊發約奸民爲內應先是城中謠言肆起人情洶洶知縣錫榮甫抵任令典史沈錫保往探該匪卽於是日直犯城根城上亟放大礮擊斃賊目一人賊稍卻時

事出倉卒城驟閉居民猝不及避隨同紳士登城守禦
晝夜梭巡謀獲奸細立斬賊線斷退竄至劉家坊劉姓
糾集壯丁攔途截殺除殲斃外生擒數十名解送來城
正法官給獎勵

五年乙卯十月十九日粵東逆匪糾合潮勇數萬獯悍異
常時號廣匪由吉安橫竄分宜旋破萬載城至上高投
偽翼王石達開部下賊勢愈張連陷瑞州臨江諸郡袁
城大警

十二月初一日偽翼王石達開令偽職翼貴文黃玉昆護
天豫胡以晄等自臨江擁眾數萬長驅來袁聲勢震駭

宜春縣志

卷五

武備

武事

三

居民紛散城遂空賊因踞城設偽總制陳寶泰管府事
偽監軍胡敏管縣事各據衙署併設偽侍衛統轄之是
時偽札紛出毒辱鄉紳逼脅百姓搜括財物鮮得脫者
民不堪命惟偽侍衛李能通心頗寬厚尙以百姓爲念
六年丙辰正月髮逆勒令各鄉編立戶口征收錢糧并令
賊眾拆取民房官署廟宇考棚於城上添設敵樓窩房
攔牌插木亂石等項週城四圍淪渠開濠溝深約一二
丈闊三四丈許又於四門增築石壘創設塹門吊橋每
門役民夫數百人賊目監守緩則鞭撻立加又於西關
外札營鳳凰山築土城豎木柵以拒官軍掘毀墳墓無

數

二月粵逆僞檢點黃與僞指揮郭帶廣匪來援號英州營尤爲猖獗屯踞秀江門外綿亘數里大張聲勢

四月十六日突有兵勇百餘人自安福至集雲鄉唐家山及古廟梅州地方口稱官軍由南路進勦令居民按戶出丁捐資助餉協同勦賊又令民於梅洲亭子上築土城以遏賊蹤遷延數日致賊探知廿一日辰刻城中突出賊數百人至梅州水口分兩路抄入時措手不及兵勇望風先遁祇百姓與賊接戰甫交鋒失利登時被殺者無算賊旋放火燒燬戴閣兩姓房屋其幸而逃避者

宜春縣志

卷五

武備

武事

三

家中財物捲洗一空殺淫擄掠慘不忍言

四月前統領援江官軍劉公長佑自湖南來援由萍鄉蘆溪而下連獲勝仗俘斬甚眾時賊扎駐富家嶺及西村一帶十六日傍晚官軍暗令親兵數人潛伏於賊營對岸之來龍嶺夜半連用巨礮轟之賊驚潰自相蹂躪官軍乘之逐北數十里焚賊土城旋駐札城西得勝嶺賊退守城中

五月前卽補知府蕭啟江統帶果字大營協同前都司田興恕等由湖南來江助勦屢戰皆捷克復萬載移軍來袁時賊分股駐金瑞不下千餘人官軍分三路而進賊

不支悉往下竄官軍乘勝大破之遂自三陽橋進駐土龍袁山嶺下等處與劉營爲犄角之勢嗣後屢戰屢勝西北二門賊不敢復出

七月初六日東鄉童生李芳及生員謝燮梅等召募鄉勇數百名號協勇初七日卯刻賊眾自城蜂擁而出協勇因火藥不敷彬江村市一帶被賊抄掠屋宇被焚後隨官軍防勦駐札石壁渥江等處偵獲賊探擊退援逆頗稱得力

八月二十日統帥劉通檄鄉紳舉行團練令於東南二路各隘扼要設防十三鄉同時起局按戶出丁每團數千

宜春縣志

卷五

武備

武事

三五

餘人札令鄉紳帶團勇來營隨同官軍站隊旗幟如林軍容壯耀并諭四鄉紳士各起錢米捐局接濟軍餉不下十餘萬報銷在案

九月二十五日賊率援兵數千接濟城中油鹽由東路來犯踞彬江等處蹂躪兩日官軍分頭衝擊賊倉皇遁去十月初四日吉安僞檢點胡與僞指揮郭復率援賊萬餘蜂擁前進仍屯踞彬江今江西巡撫劉公坤一密令下浦局監生易殿颺等偵探獲賊信始知賊於次日分三路袁一由牛欄峽一由蒜坑一由獅溪官軍亦分三路抵禦皆獲勝仗賊大潰退竄彬江下五里地名合山

築土城爲負隅計殺淫虜掠十餘日

十月十六日官軍派令各營合兵往彬江追勦大軍由中路進另派一軍從白竹裡進至昌山背抄出斷其後路賊膽裂往下狂奔斬馘甚多協勇又從河北一帶助勦賊退竄分宜遂焚其土城全獲勝仗凱旋時彬江百姓悉簞食壺漿以勞官軍

十月十九日僞侍衛李能通密令城中難民持書出免鄉紳詣大營陳乞降意許之

十月二十五日統領劉命知縣劉坤一暨鄉紳易言颺易殿颺袁錫琦徐斯匡等密約僞侍衛李能通在沙陂橋

宜春縣志

卷五

武備

武事

三

面詢降狀劉坤一諭以禍福言甚切至李意始決是時城內賊分二股一是廣匪一是李名下部卒先是寓書通款蕭營諭令殲除廣匪盡燬軍裝火藥辭未得間至二十八日李單騎潛出西門詣劉營投誠并許李部卒千餘人投降

十一月初一日黎明大軍督率全隊由西門進攻城破李部卒千餘人出城降廣匪抗拒大軍鼓譟齊進奮勇冲殺賊莫敢當亟開東門逃竄斬首數千奪獲器械馬匹無數郡城登時收復其四散餘賊被東南兩路圍練搜獲斬馘無算

十一月初二日劉營派勇追剿逸賊在南路郵益地方擒獲偽檢點黃解營旋檻送湖南正法安置李能通部卒改爲義勇仍令管帶

十二月初一日大軍拔營進剿臨江留清字營駐守袁城丁巳七年正月統領劉札諭紳士彭日魁鄧元燮易雲衢張堯舉易炳慶并十三鄉紳士在城內文昌官設局辦理善後事宜轉運吉臨撫建各郡大營糧餉并軍裝器械等項均由捐輸接濟不下十數萬報銷在案

二月二十日臨江髮逆大股突出時官軍退守新喻分宜等處檄調宜春團勇助剿并防堵袁城東南各屬局鄉

宜春縣志

卷五

武備

武事

三

紳挑集壯丁馳往行次分宜屯留數日撤還大軍進剿臨郡僅留下浦局附勇五百名駐新喻防堵

十一年辛酉春撫州髮逆突圍出叛勇李金賜應之糾合賊眾由吉水三脚灘過河竄擾吉臨瑞諸郡蔓延袁江一帶新昌上高新喻分宜等縣盡遭蹂躪賊蹤逼近袁郡大震知府陳喬樞檄四鄉紳耆令帶團練來城以壯軍聲并於團練中挑選壯丁五百爲勁勇曰虢虎營委袁州營千總孫衡山管帶馳往栗村防堵七月十一日賊由分宜竄昌山至宜春界夜分賊遍插旗幟張貼偽示適下浦局團勇譔懷秀等防堵該隘亟放鎗礮賊知

有備乃遁獲奸細并旗幟等件次日帶勇追剿至分宜乃還

同治四年乙丑四月二十六日霆軍叛勇數千人由萬載直撲袁郡知府朱振榮知縣胡湛袁州營都司江清登陴守禦一面募勇五百名號果毅營分布城上一面檄在城紳士蕭寶琳施夢虎施升階聶瑩光况均衡楊俊材鄒毓元李起鳳莊培森劉子壯等率居民協同防守次日賊於城外豎梯猿攀蟻附而上城上矢石交加礮發轟斃賊目數人賊卻退踞城外二日西遁殺淫擄掠城廂東北慘毒尤甚竄至螺江橋等處被易雲衢等督率練勇攔途截殺除殲斃外生擒五名解送來城

宜春縣志

卷五

武備

武事

三

團練附

咸豐三年奉 憲辦理團練出防守禦用費鉅萬六年春 統領援江官軍劉憲收復萍邑進攻袁郡札令各鄉紳董團練出隊隨勦遵於五月二十四等日起設西村局新田橋局遠州橋局坑西局更溪局巉塘局竹亭局水江局溫湯局下鞏局明村局絳橋局中村局古廟局白沙局慈化局盤田局河溪局金瑞局北壇局三陽橋局二字橋局刀鎗旂幟燦然具備出隊游團以壯軍威惟東鄉接壤分宜賊氛尙熾追賊援盡絕復設合浦

局厚田局下浦局南源局渥江局栗村局彬江局隅廂局各立團總時加訓練排隊隨勤大小數十仗斬殺甚多時官軍圍城急逆匪意欲逃竄劉憲諭飭各團晝夜巡防十一月初一口官軍大舉收復城池敗匪竄至淵富嶺等處經東南團勇沿途兜勦餘孽殆盡

克復以後官軍進攻臨郡袁州爲大營後路尋奉劉憲委員督辦團練爰議章程分爲八團派防各隘復於城內設一總局總其丁冊經費以便調遣應援事歸劃一七年二月劉師左次分宜繳飭總局繳送鎗砲器用物件以濟急需并飛調各團練勇出境打仗或登陣

宜春縣志

卷五

武備 武事

完

防禦戰守互資軍容復振遂進勦臨郡

八年四月吉郡賊勢窮蹙竄出逼近宜境府憲陳札調各局練勇馳赴淵富嶺大小五嶺一帶堵禦並另派各局練勇駐守昌山卡及雙江口等處八月二十四日後因福建逆匪回擾江境吉郡敗匪四路奔逃奉札各團添募練勇協同前調練勇分防各處要隘用心盤詰賊雖疊經臨境終不敢犯九年夏楚南告警慮或長驅而來爰於六月內選派團勇分紮分界鋪石關口上栗市太平關黃花嶺等各要隘星羅密布不煩官兵足固吾圉矣

邑經蹂躪之後瘡痍未復捐欸多門只得漸次散局而
逆匪東逐西奔往來靡定十一年春由福汀竄擾吉贛
撫郡與袁唇齒相依復奉 府憲陳札飭照常起局操
練三月十五日分派團勇守昌山澗富嶺大小五嶺等
卡高張旗幟多放鎗礮賊膽落潛竄新喻橫擾瑞州宜
邑幸獲安全嗣因賊踞上高新昌兩縣每欲乘虛襲袁
五月初一日調選南鄉團勇馳赴栗村協同該鄉團勇
防堵并調各鄉團勇與存城兵勇巡守塚口七月十二
日該逆突由上高竄過分邑之北鄉經洋橋守卡團勇
協同各團壯丁向前擊退旋奔分城上犯企塘鋪等地

宜春縣志

卷五

武備 武事

三

又經東南團練盡力協勦賊始下竄

邇際機槍掃淨寰海肅清百姓安堵無驚第軍興以來
自咸豐三年起至十一年止節次辦團出征防守通計
給發各團練勇口糧及製辦鎗礮刀矛鉛彈火藥旗幟
號衣等項扣銀十六萬有奇俱係各鄉紳民自行捐輸
實用實銷

同治三年 縣憲胡傳集紳耆將歷年辦團大略備案
申詳 撫憲以宜春境處邊隅屢經賊擾該紳民等共
伸義憤厚集鄉團疊次協助官兵克復郡城兼助鄰疆
洵屬急公好義認真辦理奏請

恩施援例加宜春永遠文武學額各十名廣一次文武學額各十八名各捐生紳耆均沐

恩獎勵議叙有差

同治四年四月二十五日霆軍叛勇由萬載竄入袁郡直犯城根晝夜環攻城中登陴守禦府憲朱檄令四鄉紳民帶領團勇來城勦賊時賊屯踞城外橫行蹂躪越二日各鄉團練漸次雲集賊始倉皇解圍西遁竄至螺江橋等處被該處團練攔途截殺多名

宜春縣志

卷五

武備 武爭

三

